



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCLXXXVIII. Der Landvogt Paul Conrestorf verschreibt dem abgetretenen Landvogte Christoph Ellinger eine Schuld, am 10. Oktober 1456.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

CCLXXXVII. Kurfürst Friedrich gebietet allen seinen Zöllnern, die Bürger der Stadt Königsberg überall in der Mark zollfrei zu lassen, am 23. April 1454.

Wir Friederich, von gotes genadenn Marggraue zu Brannenburg, Des heiligen Romischen reichs ertzkamerer vnd kurfürste vnd Burggraue zu Nuremberge, Bekennen offentlich mit dissem briue vor vns, vnsern erben vnd nachkomen Marggrauen zu Brannburg, das wir von besunder gunst vnd gnade vnd von sulcher trewer fleisziger dinsten wegen, so vns vnser liebe getrewen Borgermeister, Ratmanne vnd gantze gemeyne vnser Statt konyngesfzberge in zukünftigen zeiten thun sullen, können vnd mügen, denselben Borgermeistern, Ratmannen, Borgeren vnd Inwonern der gnanten vnser Stat konigesfzberge sulch vnser besunder gnade vnd freyheit gegeben haben, das sie in vnsern landen der Marke zu Brannenburg In allen vnd iglichen Steten, merckten, dorffern vnd durch vnd vff den wasseren warte, Oder, hauell vnd Elbe, die wile wir vnser erben ader nachkomen solch landt dye Newenmarke uber oder Innehaben, zollfrey sein sullen, vnd Geben vnd thun den gnanten vnsern Burgermeistern, Ratmannen, Burgeren vnd Inwonern vnser Stat konnygesfzberge, das sie durch vnser lande der marke zu Brannburg, die wile wir, vnser erben ader nachkomen Dy newenmarke uber oder Innhaben, durch vnser Stete, Merkte, dorffer, wasser, warte, Oder, hanel vnd Elbe, gantz zollfry sein sullen In kraft vnd macht disses briues. Darvmb wir allen vnd iglichen Czolnern In vnsern landen der Marke zu Brandenburg, die nu seyn ader zukünftig werden, ernstlichen gebieten, das Ir von den genannten den vnsern von konnygesfzberg nach sollicher obingeschriebener vnser befrischung keiner zollen nemet, heyschet ader fordertt, Sunderen In solch ire befrischung stete veste vnd vnuorbrochenlich haldet by vermydinge vnser vngnade. Zu vrkunt mit vnserm anhangenden Insigel versigelt. Hir by vnd uber sind geweszt die wolgeboren wirdigen Geltrengen vnd Erbaren vnser Rete vnd lieben getrewen here Gotfryt Graue zu hoenloch vnd zu Czighenhagen, her fridrich Sesselman, doctor beyder rechte, domprobt zu lubus, vnser kantzler, Jorgen von Waldenfels, Claus Sparre, Casper von Waldow vnd Baltzar von vchtenhagen, Ritters, Pawl von Connestorff, vnser lieben gemahelen hofmeister, heyne pfull vnd Otte von der Marwitz. Gegeben zu konighefzberge, Ame dinstage in den Oster heiligen tagen, Nach gots geburt tusent vierhundert vnd darnach Im vir vnd funfzigsten Jaren.

Nach dem Originale des Königsberger Stadtarchives No. 241.

CCLXXXVIII. Der Landvogt Paul Connestorff verschreibt dem abgetretenen Landvogte Christoph Esslinger eine Schuld, am 10. Oktober 1456.

Ich Pawel von Connestorff, Des Irluchten Hochgeboren fursten vnd herenn, heren Fridrichs, Marggraffen zu Brandemburgh, des heiligen Romischen Reichs ertzkamerer vnd Burggraffen zu Nuremberg etc. landvoyt in der Neuwen margk, Bekenne in kraft dießz

offen briefs vor alle dy Jhenne, die on seen adir horen lesen, das ich von des egnanten mynes gnedigen heren wegin Rechter redlicher vnd rätlicher schult schuldig byn deme werdigen vnd gestrengin heren Cristoffel Eglinger, deuthsches ordens etwanne vogt der Neuwen margke, tzwehundert gute vulwichtige Rinische gulden, die ich om adir, wen er mit seinem offen versigeltten brieffe mit seins selbst hand geschriben zu myr wirt schigken vnd sulch obingeschriben gelt lezt fordern, gutlichen vnd wolzudangk fall vnd wil bezalen vff dieffen schirftkunfftigen Sannt walpurgentag adir vngeuerlich in acht tagen darnach bynnen der Stad Konigesbergh, vmbekummert geistlichis odir wertliches rechtis. Wer es sache, das ich an der bezalunge seumig wurde vnd nicht entete, Das got nicht welle, Ab dann der egenante her Cristoff Eglinger ennigen Redlichen bewillichen schaden deshalben thun wurde zu kristen adir zu Juden, Des sal vnd wil ich em geleich mit der hobtsommen vfrichten vnd betzalen on allis geuerde. Vnd habe ime des zu burgen gefatzt die erbaren woltuchtigen mynes gnedigen heren manne mit namen Clawes von der Marwitz zu Berensfelde, Henning von Ellingen zum Bellinge, Jacob swartenholte zume Rettorppe, Curd dāpnitze zum Rostin, Betke von der Marwitz zu Berensfelde, Clawes doffe zu Petzk, Clawes Schonembecke zu doltzk vnd Clawes komeise zu Bernonken geseffen. Vnd wir obgenanten burgen loben mit sampt vnserm hobtmanne Pawll von Connrestorff landvogte, mit eyner samenden hand vngefcheyden eyn vor allen deme ergenanten heren Cristoffer Eglinger deuthsches ordens allis vorgeschriben in guten getreuwen siete vast wolzubalden on allis arg vnd on geuerde. Ab och von den vorgeschriben burgen eyner ee sulche obengescriben bezalunge geschege todishalben wurde abeghan, Denne fall vnd wil ich vorgeanter Pawll von Connrestorff einen ander nochgastigen in seine stat schigken. Des zu orkunde vnd groffer bekentnisse habe ich vorgeanter Pawll von Connrestorff landvogt vnd wyr obgenante burgen vnser Ingeligille an dissen brieff lassen hengen, der gegeben ist zu konigesberg, ame Sontag nach Sannt Dyonisius tage, Nach cristli vnfers heren gepurt, viertzenhundert Ime Sechs vnd funftzighsten Jare.

Nach dem Original des Königsberger Stadtarchives No. 243.

CCLXXXIX. Kurfürst Friedrich bestätigt der Stadt Königsberg ihre Rechte und Besizungen, am 14. Oktober 1456.

Wyr Fridrich, von gots gnaden Marggraue zu Brannndburg, des heyligen Romischen Reichs Ertzkamerer, Kurfürste vnd Burggraue zu Nuremberg etc., Bekennen offintlich myt dissem brieff vor allermeniglich, dye Inn sehen oder horen lesen, Das wyr vnseren lieben getreuen Burgermeistern, Rathmannen vnd gantzer gemeyne vnser Stad konigsberg, dye nu sein vnd Inn zukunfftigen zeiten sein vnd zukomende werden, beuestiget, bestetiget vnd confirmiret haben, beuestigen, bestetigen vnd confirmiren Inn ouch myt gegenwortiger kraft disz briefs, alle Ir gerechtikeit, freyheit vnd alde gute gewonheyt vnd wollen sy ouch bleyben laszen bey eren, gnaden, Iren erben, eygen, lehn, mollen vnd pfantschaft, dar sy vormals vnd byszher bey gewest vnd In